

PU/PS Lukavac - Dan otvorenih vrata

07.12.2017 08:44



U sklopu implementacije projekta „Rad policije u zajednici“ dana 06.12.2017.godine PU Lukavac organizovala je Dan otvorenih vrata za učenike II razreda Osnovne škole Lukavac Grad, kojom prilikom je Policijsku upravu Lukavac posjetilo oko 45 učenika iz dva odjeljenja navedene vaspitno-obrazovne ustanove.

Tokom posjete, učenicima je od strane policijskih službenika PU Lukavac prezentovano zanimanje policajca, dužnosti uniformisanih policijskih službenika, kao i policijskih službenika Odjeljenja kriminalističke policije. Učenici su se upoznali sa dijelovima policijske opreme (sredstva za vezivanje, policijska palica, stop tablica), kao i metodom kriminalističke tehnike utvrđivanja identiteta uzimanjem otisaka papilarnih linija. Nakon toga, izvršen je obilazak službenih prostorija PU Lukavac, a u krugu PU Lukavac prezentirana su službena vozila, kojom prilikom su im uručeni i prigodni pokloni.

Preuzeto sa web stranice **Ministarstva unutrašnjih poslova Tuzlanskog kantona** - <http://muptk.ba>